



31.august 2021

UKA2021/58

Inatsisartut Suleriaasianni § 36 malillugu apeqquteqaat aallaavigalugu oqallinnissamik imaattumik siunnersuuteqarpunga:

**Kalaallit Nunaata kangiani Tasiilami nunaqarfiinilu, kiisalu Ittoqqoortoormiini aalisarnikkut ikaarsaariartornermi qanoq inuussutissarsiornikkut siuarsaanissaq pillugu apeqquteqaat aallaavigalugu oqallisissiaq**

(Inatsisartunut ilaasorta, Emanuel Nûko Naleraq)

Nunatta Kangiani Tunumi aalisarnikkut ikaarsaariartornermi immikkut siuarsaanissaq pisariaqarpoq, aalisarnermut ikaarsaariartornermi umiatsianik aalisariutinillu nutarsaanissaq pisariaqartorujussuuvoq, umiatsiaaqqamik aalisartut umiatsiatik mikigileraluttuinnarpaat silaannaap allanngoriartornera aammalu aalisarfiit amerlanerusut tikinneqarlutik atorluarneqassappata aalisariutit anginerusut pinngitsoorneqarsinnaajunnaariartormata.

Aalisarnermut ikaarsaariartorneq kangiani Tasiilami eqqaanilu takussaagaluttuinnarpoq. Tunumi immikkut ittumik pilersitsinissaq pissusissamisut isigaarput, inuiaqatigiinni aalisartuni aalisarnikkut aalisariuteqarnikkullu pitsaanerusement atugassaqartitsilernissaq eqqarsaatigalugu. Umiatsiaararsornermi periarfissaat annikilligaluttuinnarput, tamannalu siuarsaanikkut allanngortittariaqalerpoq aamma aalisarnikkut inuussutissarsiuteqarneq siuarsarneqassappat.

Ukiuni makkunani pinngortitap allanngornera pissutaalluni, silarluttarnera ilaatigullu anorit sakkortusiartuinnartut eqqarsaatigalugit aalisartortatta aalisartunngortussallu ullutsinni tulluarnerusunik aalisariutaasinnaasunik peqalernissaat periarfissinnissaallu pissusissamisoortutut isigaarput.

Kangiani Ittoqqoortoormiini Tasiilami eqqaanilu periarfissat aalisarnikkut annikitsuararsuupput tunitsivillu ataasiinnaalluni tassalu tunitsivik Kuummiuniittoq, umiatsiaararsornikkullu inuussutissarsiortut silarluttalersillugu periarfissaaruttarnerat takornartaanngilaq, tamannalu taamatut inuuniuteqartunut ernumalersitsisarpoq ilaatigummi inuussutissarsiornerat ullorpassuarni uninngasarpoq tunitsivissaqarnikkut aallatigullu perirfissaqanngivinnek pissutaalluni.

Tassami ilaqtariit aalisartukkormiut piniartullu inuuniarnerannut tunitsivissaqannginneq imminut napatinnerulernissamut periarfissaluttorujussuuvoq inuillu amerlasuut aamma suliffissaaleqisarnerannut tamanna pissutaalluinnartoq nalunngilarput.

Pissutsit taakkartorneqartut pitsaanerulissappata aalisarnikkut suliffissaqarnikkullu siuarsaanissaq Tunumi saneqqunneqarsinnaanngilaq, tassami allamik periarfissaqanngilaq tamaallaat aningaasalersuinikkut pissutsit pitsaanerulernissaat nutaamik aqutissiuttariaqalerparput.



# Naleraq

Namminersorlutik oqartussat allanik aamma suleqateqarnissaat pinngitsoorneqarsinnaangilaq suliffeqarfiit namminersortut aalisarnermi ingerlatsisut aamma suleqatigineqartariaqarput aamma aalisarnikkut misileraanissat eqqarsaatigalugit.

Minnerunngitsumillu aamma kommuni siuarsaanissami suleqataanissaa avaqqunneqarsinnaangilaq, taamaattumik neriulluarpugut pissutsit pitsaanerulersissagutsigit atatsimoorluta nukigut kattuttariaqarigut. Tunumi aalisarfiit amerlanerusut tunitsiviillu pitsaanerulissappata pissutsit massakkut atuuttut allangortilluinnartariaqalerput aalisarnikkut siuarsaanissaq suliffissaqartitsinissarlu pitsaanerulissappata aningaasalersuinissaq saneqqunneqarsinnaangilaq.

Nunarput tamaat isigalugu inuussutissarsiornikkut tapiiffigitittarnermi Ittoqqortoormiini Tasiilami eqqaanilu najugalinnut annikitsumik periarfissaasarpoq isertitat apeqqutaallutik. Taamaattumik aningaasalersuineq nutaaq pilersinneqarpat aalisartortagut piniartortagullu periarfissaarnerulissapput umiatsiaarartaarnissaminnut anginerusunillu angallatitaarnissaminnut.

Kiisalu aalisarnej siuarsarnejassappat pinngitsoorneqarsinnaangillat aalisakkanut tunitsiviit pilersinnissaat. Tamannalu ilanngullugu eqqarsaatigisariaqarpoq. Tunumi suliffissaaleqineq annertoqaaq, taamaattumik tunitsivissat eqqarsaatigalugit nutaanik periarfissanik aallartitsinissaq sulissutigisariaqalerparput.

Ilanngullugu eqqarsaatigisariaqalerparput Ittoqqortoormiit Kangerlussuat nunarsuarimi kangerluit tannersaat aalisagaqassutsikkut misissuiffigineqarnissaa aallartitariaqalerpat. Tassami qularnangvivippoq kangerlussuaq taamak isorartutigisoq misissuiffigilluarneqaruni aalisarfiit nutaat nassaarnejarsinnaammata tamannalu anguneqarpat inuuniarnikkut atukkat aningaasarsiornikkullu periarfissat pitsaanerulernissaat qularnanggilluinnarmat.

Aalisarnikkut siursaasoqassappat pinngitsoorneqarsinnaangilaq aalisarnikkut aammalu aalisarnermi atortut eqqarsaatigalugit inuusuttunik aalisartunngorniartunik aalisarnikkut pikkorissaanerit pinngitsoorneqarsinnaangimmat ingerlatissallugit. Tassanilu imarsiornermi ilinniarfik pinngitsoorneqarsinnaangilaq, soorunami aalisartut kattuuffii suleqatigilluarneqartariaqarput siuarsaanerit aningaasalersuinissallu eqqarsaatigalugit qularnangimmat siunnersuinerikkut ikiuulluarnissaat pinngitsoorneqarsinnaangimmat.

Aalisarnermut nutaamut ikaarsaariartornermi aammalu nutaamik aningaasaliisoqartalissappat inuussutissarsiornikkullu nutaanik pilersitsisoqarpat inuaqatigiinnut siunissami iluaqutaangaatsiartussaanera eqqarsaatigineqassaaq. Inuaqatigiinni Tunumi suliffissaaleqineq annertuvoq. periarfissat aalisarnikkut annikimmata inuaqatigiit aalisartut aalisartunngorumaartussallu pitsaaneruserumik toqqagassaqalernissaat periarfissaqalissaaq. Siunissaq qaninnerusoq ungasinnerusorlu eqqarsaatigalugit aalisarnikkut siursaaqqinnissamik suliffissaqarnerulernermillu pilersitsinissaq inuaqatigiinnut peqqinnartumik Tunumi aallartitsisuussaaq.

Sammissamut partii allat isumaat tusarnissaat qilaanaaraarput.

Oqallilluarisi.